



UNIVERSITÄTS-  
BIBLIOTHEK  
PADERBORN

**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt XIII. Idem Priori (a) Ossen. & Subpriori sanctæ Fredesiundæ.

---

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

proponebat: sed impediēte viro nobili Comite Cutrona, non fuit electio celebrata; postmodum autem idem Comes de ipso Episcopatu Madium capellanum suum investiens, vobis injunxit, ut vel à terra recederetis ipsius, vel eligeretis eundem M. in Pastorem: quod cum ven. f. n. Archiepiscopus sanctæ (b) Severinæ, hinc electus audisset, prædictum Vv. ad suam præsentiam accersivit, & asserens, quod propter negligentiam vestram ad ipsum erat eligendi auctoritas devoluta, ipsum induxit, ut electioni de se faciendæ præberet assensum: qui suis monitis acquiescens electus extitit ab eodem, suffraganeorum interveniente conniventia. *Et infra*: Nos igitur attendentes, quod canon Lateranen. Concilii contra negligentes editus, ad Archiepiscopatus, vel (c) Episcopatus non solet extendi, sed ad personatus alios, & minora ecclesiastica beneficia coarctari, electionem ejusdem Vv. qui ab Archiepiscopo, & suffraganeis ejus fuit, ad quos electio non spectabat, electus, justitiâ cassavimus exigente,

## NOTÆ.

1. (a) *Geruntin.*] Ita legitur in tertia collectione, *sub hoc titul. cap. 9.* sed legendum est *Geruntin.* Geruntia enim est civitas Calabria, suffraganea Archiepiscopi sanctæ Severinæ, ut notat Cujacius *in cap. 1. hoc tit.*
2. (b) *Sancta Severina.*] Siverena civitas nobilis

est Italiae, in situ Calabriae, quam vulgus Severinam appellat; ejus meminit Plinius *lib. 14.* & de ejus origine nonnulla adducit Gabriel Bartius *de antiquis. & situ Calabriae lib. 4. in Ital. Illustr. fol. 1145.*

(c) *Vel Episcopatus.*] Ut probavi in *cap. ne pro defectu, de electione, cap. dilectus, de supplend. neglig.*

## CAPVT XIII.

Idem Priori (a) *Ossen.* & Subpriori sanctæ *Fredesunde.*

EX tenore vestrarum litterarum intelleximus evidenter, quod cum causam quæ inter I. clericum ex parte una, & Conventum de (b) Bello ex altera, super redditu x. (c) marcharum, vel xv. quas idem exigebat ab ipsis, eo videlicet, quia eidem, quamcitò se facultas offerret, interim se promiserant provisorios, nec promissionem suam curaverant adimplere, noscitur agitari, vobis duximus committendam, dictus clericus post litem contestatam chartam quandam monachorum ipsorum, continentem expressè, quod ei primam Ecclesiam ad donationem suam spectantem, valentem x. marchas, vel xv. assignare promiserant, exhibuit coram nobis: nihilominus per idoneos testes probavit, ipsos post promissionem hujusmodi, licet potuerint, nolle sibi, quamquam super hoc admoniti fuerunt, providere. Quare dictum Abbatem, & monachos ad assignandum sibi redditum x. marcharum ad minus cogi cum instantia postulabat. Ad hæc autem fuit ex adverso responsum, quod ratione promissionis, utpote factæ contra Lateranen. statuta Concilii, quæ probari per chartam exhibitam videbatur, eos non poterat convenire, præsertim cum non de aliqua Ecclesia, sed de promissione tantum in litteris vestris mentio haberetur. Cum igitur aliis ipsos posse conveniri asserentibus, aliis verò in contrarium sentientibus, super hoc fuisset hinc inde coram vobis diutius disputatum, vos quid juris sit in hoc articulo dubitantes, in negotio ipso ulterius procedere noluitis: donec super hoc reciperetis nostræ beneplacitum voluntatis, nobis humiliter supplicantes, ut quid sit in hac parte agendum, vos dignaremur per nostras litteras reddere certiores. Nos igitur attendentes, quod promissio prædicta non (d) tenet, utpote contra statuta præfati Concilii attentata, disc. v. per A. f. m. quat. memorato clerico super hoc silentium imponentes, ab impetitione ipsius dictos Abbatem, & monachos absolvatis.

## NOTÆ.

1. (a) *Priori Ossen.*] Ita legitur in tertia collectione, *sub hoc tit. cap. 10.* in sexta autem habetur, *Hestien.* sed legendum est; *Ossen.* In Oxoniensi enim diocesi Angliæ erant duo Prioratus,

ambo Canoniorum regularium Ordinis Divi Augustini: primus Otnei dictus; cujus meminit Pennotus *lib. 2. hist. canonic. regni. cap. 37. num. 12.* secundus nuncupatus Sanctæ Fridilvidæ, de quo agit idem Pennotus *dicto cap. 37. num. 12.*

Conventum

(b) *Conventum de Bello.*) Guillelmus Dux Normannorum tria magna monasteria diversis in locis construxit, eaque multis prædiis, variis que donariis ditavit; duo in Anglia, unum eò loci, quò cum Haraldo, Angliæ Rege dimicavit prope Hastigen, quod prælium refertur in gestis Guillelmi, Ducis in *histor. Norman.* fol. 200. pro expiatione animarum militum qui in eò bello occubuerant: quod Cænobium Divo Martino dicavit, appellavitque *Monasterium ad Bellum*, ut simul monumentum paratè tanto bello victoriæ in perpetuum foret, ut refert Polydorus Vergilius in *histor. Angliæ*, fol. 158.

(c) *Marcharum.*) De earum valore in Angliæ regi in *cap. 3. de pactis.*

(d) *Non tenet.*) Juxta adducta in *cap. 2. hoc titulo.*

## CAPVT XIV.

Idem Abbati, & Conventui monasterii sancti Michaelis de (a) *Gasto.*

A Ccedens ad Sedem Apostolicam dil. fil. R. clericus, suâ nobis insinuatione monstravit, quod cum promiseritis vos provisuros eidem in ecclesiastico beneficio, cum possertis, sicut per litteras Decani Sueffion. & suorum judicium super hoc à Sede Ap. delegatorum, quibus tenor litterarum vestræ promissionis erat insertus, liquidò edocebat, vos id hæctenus efficere non curastis, allegantes coram iudicibus memoratis quod talis promissio vos nullatenus obligaret, cum videretur esse facta contra statuta Lateranen. Concilii, quod promissionem inhibet beneficii non vacantis. Nos autem considerantes, quod aliud est Prælatum promittere beneficii collationem, cum poterit, aliud cum vacabit, cum in multis casibus se facultas offerre possit, in quibus non esset collatio in expectatione vacaturi beneficii differenda, per Ap. vobis sc. mandamus, quatenus memorato R. competens ecclesiasticum beneficium assignetis, alioquin Abbati sancti Joannis, & Decano Sueffion. damus nostris litteris in mandatis, ut vos ad id per censuras ecclesiasticas appellatione remota compellant.

## NOTÆ.

(a) *Gasto.*) In quarta collectione, sub hoc tit. *cap. 1.* ita legitur; in hac sexta collectione tantum legitur, *Idem*; sed tamen credo legendum esse, *sancti Michaelis de Caranto*; monasterium enim hoc est Ordinis Divi Benedicti ad mare situm, in Pictonibus, juxta flumen Carantonum, totusque ille tractus inundatus fuit; deinde recedente mari, apparuere terræ paulatim, & paludes desiccatae, quæ propter situm commoditatem, ac terræ ubertatem colli, ac frequentati cæperunt. In eo sacellum primò constructum est peregrinationibus, ac religione celebratum, quod postea in amplissimum, & locupletissimum monasterium Divo Michaeli dicatum evasit, ut refert Papirius

Masonius in *descriptione Gallia per flumina*, fol. 683.

(b) *Cum possertis.*) Olim enim promissio generalis beneficii vacaturi, cum poterit, aut cum vacaret, valebat, quia sæpe permittuntur in genere, quæ in specie non permittuntur, *cap. non estimemus 13. quest. 2. l. i. §. qui questionem, 21. ff. de questionibus*; & docetur in præfenti decretali, quæ correctæ est per Bonifacium VIII. *cap. detestanda, hoc tit. lib. 6.* ubi verba illa; *licet olim fuisse canonicæ constitutione decretum*, de hac decretali accipit Nicolaus Fabricius *de benefice, titul. 8. cap. 1. numer. 65.* docent Valentis in *parat. ad hunc titulum, cap. 1.* Barbosa *de potest. Episcopi alleg. 126.* Commentarium hujus textus dedi in *cap. 1. hoc titulo.*

21

## CAPVT XV.

Idem P. Subdiacono nostro, Præposito & Capitulo (a) *Ebrudum.*

POSTULASTIS per Sedem Apostolicam edoceri, ut cum ad vos simul, & Archiepiscopum vestrum donatio præbendarum Ecclesiæ vestræ pertineat, utrum præbendæ vacantis donatio penes Archiep. remaneat, si eam intra semestre tempus neglexeritis ordinare. Ad quod vobis breviter respondemus, quod si vos, & idem Archiepiscopus intra tempus præscriptum negligentis extitistis circa collationem

D. D. Genzal. in *Decretal. Tom. III. Pars I.*

T 2

vacan-